



**DIE GEREFORMEERDE KERK
PIETERSBURG**
Die Basuin



Predikant: Ds. S.P. Venter

Pastorie: 015 296 1840

Sel: 082 809 0222

Epos: sarel.pventer@gmail.com

22 Mei 2022

- EREDIENS** Ds. Sarel Venter
- Skriflesing** 1 Tessalonisense 5: 12 - 18
- Sang** Psalm 9: 1, 8
Psalm 67: 1, 2
Psalm 119: 7, 19
Psalm 71: 4, 12
Psalm 134: 4
Skrifberyming 15-1: 2, 4

Dit is een van 'n hele paar kort en kragtige aansporings en vermanings wat die apostel nodig ag om hier aan die einde van sy brief te gee. Dit is nie 'n versoek op die ingewing van die oomblik nie, maar weldeurdag. Dit word as 'n opdrag aan die gemeente gegee. Dit staan in die bevel-vorm: julle móét ook vir ons bid. En dit is nie maar net die mens, Paulus, se wens dat gemeentes vir hom sal bid nie. Hy is 'n apostel van Jesus Christus. En die Here maak Sy wil deur Sy apostels aan Sy kerk bekend. Hierdie is 'n opdrag wat die Heilige Gees deur die Here se aangestelde instrument vir die kerk gee. Dit is die wil van die Here dat gemeentes vir hulle voorgangers moet bid. Gedurig vir hulle moet bid - aanhoudend en sonder ophou.

Paulus is die apostel wat deur die Here Jesus uitgestuur is om die Blye Boodskap van redding wat in Christus se kruisdood en opstanding uit die dood bewerk is, te gaan verkondig. Silas was 'n Nuwe Testamentiese “profeet” en Timoteus was 'n evangelis. Diensknegte van die Here. Moenie dink dat hulle, omdat hulle self voorbidders is, u voorbidding nie nodig het nie. Daar is dalk tye wat hulle van almal u voorbidding die nodigste het. Dit is die Here se wil dat Sy gemeente ook spesiaal vir dié wat die Woord aan hulle verkondig, moet bid.

In vers 25 word net gesê: “bid ook vir ons”. Maar as 'n mens na die ander oproepe van die apostel tot voorbidding vir hom kyk, dan blyk dit dat hy veral vir twee sake voorbidding vra, naamlik: vir die veiligheid van die Woordbedienaars en vir suksesvolle Woordverkondiging. Die Satan wou hulle verlei en vermoor. Paulus vlug op verskillende plekke om voor die moordenaars te bly. Onthou dat mense wat destyds die Here Jesus verkondig het, glad nie gewild was in die wêreld nie. Paulus kon uit eie ervaring daarvan getuig – hy was in die tronk, geslaan met 'n sweep en gestenig. En nou vra hy in sy briewe: Bid dat ons lewens gespaar sal bly, sodat ons kan voortgaan om Jesus Christus te preek! As jy beter voorgangers vir die gemeente wil kry, bid vir die wat hier is!!

OOG VIR MEKAAR

- * Ons dank die Here dat Juan en Megan vd Merwe se dogtertjie, Adelyn, die afgelope week gebore is. Geluk aan die ouers en grootouers. Ons bid julle die seën van die Here toe met die opvoedingstaak.
- * Ons bid vir Gerdien Kuijpers wat die volgende 12 weke chemo-behandeling moet ontvang. Mag ons Here jou deur die tyd versterk na liggaam en siel.
- * Ons bid die Here se seën toe vir Theyman en Simonè Jongbloed met die operasie wat hy moet ondergaan. Ons bede is dat alles suksesvol sal verloop.
- * Nelie Badenhorst kon nie die operasie aan haar hand ondergaan nie, omdat daar nie vir haar 'n bed beskikbaar was nie. Sy het erge pyn en ons bid dat sy spoedig kan teruggaan.
- * Antoinette Sauerman gaan weer na Pta vir 'n doktersafspraak. Ons bede is dat dit positiewe nuus sal wees.
- * Theuns Botha was vir 'n chemo-sessie in Pta. Hy kan steeds nie sy linkerbeen gebruik nie. Ons bede is dat die bloedklont sal oplos en die gewas ook verder sal krimp.
- * Baie geluk aan Cornè van Greunen, Thinus vd Walt en Matthew Llewellyn wat as diakens bevestig word. Mag die Here julle met groot vrug gebruik in ons gemeente.



KONSISTORIEDIENSBEURT 22 MEI

Diensbeurt: C3 Potgieter Laan

Katkisasie: Les 12

Ouderling: **Danie Combrink (Jnr)**

Diaken: **Roelof Venter**

Ouderlinge en diakens moet asb kennis neem dat almal, weer soos voorheen, voor die erediens in die konsistorie sal vergader.

TEESKINKBEURTE



22 Mei 2022

Elmara Wolmerans
Ester Borman
Christa Carlile
Christine Du Plessis
Colette Du Plessis

29 Mei 2022

Alta Fourie
Retha Grobler
Magda Heinlein
Anne-Marie Koekemoer
Karen Kruger

Suster as jy nie beskikbaar is met jou teeskinkbeurt nie, ruil self met 'n ander suster uit asseblief!

DATUMS OM TE ONTHOU

DATUM	TYD	WAAR	WAT
23 Mei 2022	18:00	Kerk	Finansskommissie verg.
24 Mei 2022	09:30	Kerk	Bybelstudie
24 Mei 2022	18:00	Kerk	Bedieningskommissie verg.
25 Mei 2022	18:30	Kerk	Bybelstudie
25 Mei 2022	19:00	Alta Theron	Bybelstudie
26 Mei 2022	09:30	Alta Theron	Bybelstudie
26 Mei 2022	19:00	ZOOM	Bybelstudie



KALENDER



Verjaarsdae

Datum	Naam	Ouderdom	Belydend / Doop	Sel/Tel no.
Ma 23 Mei	Elizabeth Odendaal ** Tegan Kuilder	80 19	B B	064 857 8199 073 499 4735
Wo 25 Mei	Kotie Erasmus ** Anna-Mart Maré Ziany Kuilder Ruben Van Ree	85 35 21 17	B B B D	082 651 6301 082 318 7263 073 499 4735 082 672 2511
Vr 27 Mei	Su-Marie Stander	35	B	074 580 3739
Sa 28 Mei	Japie Hoogenboezem Danie Slabbert	60 54	B B	082 891 3021 072 309 4641

HEMELVAART DIENS

Die kerkraad het besluit dat ons 'n erediens op **Hemevaart Dag** 26 Mei 2022 om 18:00 sal hê.

Neem asb kennis dat die Hemelvaart diens **NIE lewendig op YouTube gestroom sal word nie.**

GEDAGTE VIR DIE WEEK

*Nogtans, die hegte fondament wat God gelê het,
staan vas met dié woorde daarop gegraveer:*

“Die Here ken dié wat aan Hom behoort,”

en:

*“Elkeen wat sê dat hy aan die Here behoort,
moet wegbreek van die ongeregtigheid.”*

2 Tímoteus 2: 19

DIAKONIE

Die diakonie se kosrakke is uitgeput en leeg. Ons vra almal se hulp om ons kasrakke aan te vul en benodig die volgende items:

Rys; mielie meel; suiker; olie; blikkies kos soos bv vis; groente; tamatie en uie sous; boontjies ens, daar is ook 'n tekort aan toiletpapier; tandepaste en badseep.



Ons versoek lidmate om ons te help met die met bogenoemde items. Ons versorg baie gesinne van ons gemeente met die kos en ons het almal se hulp nodig.

NAGMAAL

Lidmate moet ASB kennis neem van die volgende:

- * **Nagmaal sal op 12 Junie 2022 om 09:30 plaasvind.**
- * Lidmate **MOET** kennis neem dat daar slegs **EEN** diens sal wees.
- * Lidmate wat Nagmaal aan tafel (**Vir families**) wil gebruik sal dit kan doen, daar is 6 beskikbaar wees.
- * Die ander lidmate sal die rakkies wat agter in die portaal is, gebruik en Nagmaal in die banke gebruik.



NAGMAAL ETE

Lidmate wat die **Nagmaal ete op 12 Junie 2022** wil bywoon moet asb hulle name op die lys plaas wat agter in die portaal op gesit is.

Braai vleis (steak en wors) sal voorgesit word met pap en lekker sous.

Die susters word versoek om soos wat die gewoonte is met 'n Nagmaal ete asb dan **'n slaai saam te bring**.

Onthou ook om eie eetgerei ens te bring.



ONTHOU ASB !!!!!!!!!!

Die susters van blok B is verantwoordelik vir nagereg by die Nagmaal ete.

SUSTERS AKSIE

Die susters bied op 27 Mei om 18:00 'n Sop-en-Sjerrie-aand aan.

Kom kuier en eet saam aan 'n groot verskeidenheid **heerlike soppe uit ons eie Dopperkombuise.**



Jou toegang vir hierdie aand is slegs JOU gunsteling pot sop.

Skryf jou naam op die lys agter in die portaal as jy die onvergeetlike aand gaan bywoon en dui ook aan as jy jou gunsteling sop vir ons gaan maak.

'n Donasiekassie sal ook beskikbaar wees vir die wat 'n donasie wil maak in plaas van om 'n pot sop te bring.

Ons sien daarna uit om met almal 'n broodtjie te breek en lekker saam te kuier.

GEMEENTEKAMP

Die aktiwiteitskommissie beplan 'n
***gemeentekamp by JABUWENI vanaf 23 tot 25
Sept 2022.***

Hou hierdie spatie dop vir besprekings en
pryse!!!

Kom kuier lekker saam met ons. Dit gaan
voorwaar 'n gemeentekamp wees om te
onthou!!!!!!!





Mootlite-kamp Amptelik
 In opdrag van Streeksinode Pretoria
mootlitekamp@gmail.com



Die Gereformeerde Kerke in Suid-Afrika bied reeds vir 40 jaar die Moot-Skoolverlaterskamp aan. Uit hierdie kamp het die Mootlitekamp ontstaan, wat sedert 2012 baie suksesvol aangebied word.

Die Mootlitekamp is dus 'n amptelike kamp van die Gereformeerde Kerke in Suid-Afrika. Vanjaar se kamp sal DV van 26 Junie-1 Julie aangebied word. Die Kamp het ten doel om leerders van Graad 6-9 toe te rus om hulle Gereformeerde belydenis en geloof te kan uitleef tussen hulle vriende, en te kan staande bly teen die aanslae van die wêreld, natuurlik aanvullend tot hulle ouerhuise en hulle eie gemeentes.

Die kamp skep 'n ruimte waar kinders deur pret, spanwerk en samehorigheid hulle belydenis en Bybelkennis kan verbreed. Daarom behandel ons ook op die kamp hierdie jaar die gebed, soos ons dit bely in Heidelbergse Kategimus Sondag 45-52, en dan daarmee saam Psalm 50:14 "Offer dank aan God, en betaal jou geloftes aan die Allerhoogste; en roep My aan in die dag van benoudheid: Ek sal jou uithelp, en jy moet My eer."

Die belangrike saak van gebed sal dus hierdie jaar 'n sentrale rol op die kamp speel, des te meer in 'n tyd waarin huisgodsdienst, persoonlike stiltetyd en gebed soms agterweë gelaat word.

Ons vra ook asseblief dat kerkrade die weg oop sien om hulle kinders aan te moedig om die kamp by te woon.

Inskrywings by:

https://docs.google.com/forms/d/e/1FAIpQLSelxJr_rE9jTA5MZqeZRRyI6-EezGc1QPC3iWFLczRjtaQTKg/viewform?usp=sf_link

Vir enige navrae of onduidelikheid kan u gerus vir Ds Lohan Linde skakel op 084 787 5119.

Enige bydraes kan inbetaal word by:

GKWBS Mootlite

Absa Spaarrekening

9116 4825 49,

Verwysing: MOOTLITEKAMP

BASUIN PLASING

ARRIE NEL
APTEEKGROEP

**LIBRA APTEEK
KLINIEK**



GLUKOSE EN CHOLESTEROL TOETSE

LIPOGRAM TOETSE

COVID TOETSE

GESINSBEPLANNING

GESONDHEIDSBEORDELING

BLOEDDRUK

BABA IMMUNISERING

VITAMIEN INSPUITINGS

 015 297 3242

 066 336 8507

 libra@arriemel.co.za

 **KLINIEK-URE**

Maandag-Vrydag: 08:00 - 17:30
Saterdag: 08:00 - 13:00
Sondag &
Publieke Vakansie: Gesluit

ARRIE NEL
APTEEKGROEP

Familie Waardes,
Waarde vir die hele Familie!

**94 Landdros Mare St,
Polokwane**

Preke

Kan afgelaai word op:

www.gereformeerd.co.za

Koster

Nantes Kotze
015 296 0054
081 424 9651

Orreliste

Barbara Nagel
083 260 9581

Marisa Linde
083 408 2100

Kerkkantoor

Faksnommer

Epos
Webwerf
Kantoorure

Bankbesonderhede

Kerkkas

Diakonie

Koningskinders

**Geref. Susters Org.
Pietersburg**

Aktiwiteitskommissie

Nantes Kotze
(015) 296 0054 (Tel/Faks)
086 293 4674 (Faks)
admin@gereformeerd.co.za
www.gereformeerd.co.za
Ma, Wo, Vr. – 08:00 tot 12:00
en Sondagoggend na
erediens

ABSA Tak 334-248
Tjekrek 11-5034-0426

ABSA Tak 632-005
Tjekrek 11-5034-1287

ABSA Tak 632-005
Geldmarkrek 91-9071-1847

ABSA Tak 632-005
Tjekrek 11-5034-0191

ABSA Tak 632-005
Tjekrek 40-6962-4784

Die Finanskommissie versoek dat lidmate, waar moontlik, alle bydraes en kollektes per elektroniese opplasing doen. Sien bankbesonderhede hierbo

*Broers, bid ook vir
ons.*

1 Tessalonisense 5: 25



ALLE NUWE INTREKKERS MELD AAN BY DIE
KERKKANTOOR NET LANGS DIE KONSISTORIE
NA AFLOOP VAN DIE EREDIENS